



- VIJEĆE -

Broj: 02-1-44-275/24
Sarajevo, 22. oktobar 2024. godine

ZAPISNIK

sa 20. redovne sjednice Vijeća Univerziteta u Sarajevu – Orijentalnog instituta održane u prostorijama Univerziteta u Sarajevu – Orijentalnog instituta – velika sala, dana 22. oktobra 2024. godine sa početkom u 11 sati.

Članovima Vijeća Univerziteta u Sarajevu – Orijentalnog instituta (u daljem tekstu: *Vijeće*) dostavljen je poziv sa Prijedlogom Dnevnog reda i materijalima za 20. redovnu sjednicu (u elektronskoj formi) planiranu za utorak, 20. oktobar 2024. godine, u prostorijama Univerziteta u Sarajevu – Orijentalnog instituta – Velika sala, sa početkom u 11 sati.

Prisutni: dr. Aladin Husić (predsjedavajući), dr. Amina Šiljak – Jesenković, dr. Muamer Hodžić, dr. Berin Bajrić, dr. Adnan Kadrić, dr. Elma Korić, mr. Aida Smailbegović, Amer Maslo, MA, Emina Mostić, MA. U svojstvu zapisničara Belma Hajradinović, sekretar po Ovlaštenju.

Odsutni: dr. Dželila Babović (opravdano), dr. Madžida Mašić (opravdano), dr. Sabaheta Gačanin (opravdano), dr. Alma Omanović – Veladžić (opravdano) i mr. Nihad Dostović (plaćeno odsustvo).

Početak sjednice 11 sati.

Predsjedavajući dr. Aladin Husić, je konstatirao da je na sjednici prisutno 9 članova Vijeća, što predstavlja potreban kvorum za održavanje sjednice. Zatim je pozvao članove Vijeća da se izjasne o dostavljenom Prijedlogu Dnevnog reda. S tim u vezi, sa 9 glasova „za“ usvojen je *s l j e d e ć i*

DNEVNI RED

1. Usvajanje Zapisnik sa 19. redovne sjednice Vijeća Instituta održane 03. septembra 2024. godine.
2. Razmatranje Izvještaja o radu za potrebe evaluacije rada naučnog savjetnika dr. Adnana Kadića.
3. Izdavačka djelatnost:
 - a) Objavljivanje knjige dr. Madžide Mašić, više naučne saradnice pod naslovom: *RUKOPISNE ZBIRKE NA ORIJENTALNIM JEZICIMA U FRANJEVAČKIM SAMOSTANIMA, MEDRESAMA I TEKIJAMA U BOSNI I HERCEGOVINI.*
 - b) Objavljivanje Zbornika radova posvećenog prof. dr. Fehimu Nametku pod naslovom: *NAD ŽIVOM BAŠTINOM.*
4. Dopis Univerziteta (prorektora za NIR, resorne Službe) o izradi monografije Osmanskog arhiva Univerziteta u Sarajevu – Orijentalnog instituta.
5. Tekuća pitanja.

Tok sjednice:

Tačka 1.

U okviru tačke 1. razmatran je Zapisnik sa 19. redovne sjednice Vijeća Instituta održane 03. septembra 2024. godine, isti je jednoglasno usvojen.

Tačka 2.

U okviru tačke 2. razmatran je Izvještaja o radu za potrebe evaluacije rada naučnog savjetnika dr. Adnana Kadića. Nakon kraće diskusije, članovi Vijeća su sa 9 glasova „za“, usvojili *sljedeću*

ODLUKU

I

Prihvata se *Izvještaj o rezultatima i aktivnostima za potrebe evaluacije rada dr. Adnana Kadrića, naučnog savjetnika Univerziteta u Sarajevu – Orijentalnog instituta, zaveden pod brojem: 01-1-16-223/24 od 10. 09. 2024. godine.*

II

Ova Odluka stupa na snagu danom donošenja.

Tačka 3.

U okviru tačke 3. razmatrani su zahtjevi koji se vezuju za izdavačku djelatnost Univerziteta u Sarajevu – Orijentalnog instituta.

Pod tačkom 3. podtačkom a) razmatran je Zahtjev/obrazac za objavljivanje knjige dr. Madžide Mašić, više naučne saradnice pod naslovom: RUKOPISNE ZBIRKE NA ORIJENTALNIM JEZICIMA U FRANJEVAČKIM SAMOSTANIMA, MEDRESAMA I TEKIJAMA U BOSNI I HERCEGOVINI. S tim u vezi, članovi Vijeća su sa 9 glasova „za“, usvojili *sljedeću*

ODLUKU

I

Prihvata se aplikacija i daje se odobrenje da se rukopis/knjiga pod naslovom: RUKOPISNE ZBIRKE NA ORIJENTALNIM JEZICIMA U FRANJEVAČKIM SAMOSTANIMA, MEDRESAMA I TEKIJAMA U BOSNI I HERCEGOVINI, kao institutsko izdanje autorice dr. Madžide Mašić, više naučne saradnice Univerziteta u Sarajevu – Orijentalnog instituta, objavi prvi put, u skladu sa propisanom procedurom.

II

Za glavnog urednika rukopisa/knjige iz tačke I po preporuci Odbora za izdavaštvo imenuje se **dr. Muamer Hodžić**, višeg naučnog saradnika.

III

Ova Odluka stupa na snagu danom donošenja.

Pod tačkom 3. podtačkom b) razmatran je Zahtjev/obrazac za objavljivanje Zbornika radova posvećenog prof. dr. Fehimu Nametku pod naslovom: *NAD ŽIVOM BAŠTINOM*. U okviru diskusije dat je prijedlog da se promjeni naziv predmetne Zbirke, te da se umjesto *NAD ŽIVOM BAŠTINOM* zove *ČUVARI BAŠTINE*, kao i da se u predmednoj odluci kojom se odlučuje o Zahtjevu naznače glavni urednici, recenzenti i tehnički urednici po prijedlogu Odbora za izdavaštvo Univerziteta u Sarajevu – Orijentalnog instituta. Uz prihvaćenu sugestiju članovi Vijeća sa 9 glasova „za“, usvojili *sljedeću*

ODLUKU

I

Prihvata se aplikacija i daje se odobrenje da se rukopis/knjiga pod naslovom: ČUVARI BAŠTINE (Zbornik radova posvećen prof. dr. Fehimu Nametku), kao institutsko e – izdanje grupe autora, objavi prvi put, u skladu sa propisanim procedurom.

II

Za realizaciju objave iz tačke I u svojstvu glavnih urednika određeni su: prof. dr. Alena Čatović i dr. Madžida Mašić. U svojstvu recenzenata određeni su: dr. Behija Zlatar i doc. dr. Mirsad Turanović, te za tehničke urednike određeni su: doc. dr. Edina Nurikić i dr. Adnan Kadrić.

III

Ova Odluka stupa na snagu danom donošenja.

Tačka 4.

U okviru tačke 4. primljena je k znanju informacija prorektora za naučnoistraživačku djelatnost Univerziteta, resorne Službe o izradi monografije Osmanskog arhiva Univerziteta u Sarajevu – Orijentalnog instituta. Nakon kraće diskusije, članovi Vijeća su sa 9 glasova „za“, usvojili *s l j e d e ć i*

ZAKLJUČAK

Vijeće Instituta podržava izradu monografije *Osmanskog arhiva Univerziteta u Sarajevu – Orijentalnog instituta*, koji će se realizirati kroz aktivnosti u okviru projekta pod nazivom: *DigiProHUMANE – Promoviranje digitalne infrastrukture u oblasti humanističkih nauka i umjetnosti*, koji će biti finansiran iz sredstava osiguranih kroz Javni poziv za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2024. godine.


Tačka 5. tekuća pitanja:

U okviru *tekućih pitanja*, od strane predsjedavajućeg dostavljene su određene informacije koje nisu bile obuhvaćene redovnim tačkama Dnevnog reda, kako slijedi:

- Informacija o uspostavljanju grijanja u Kampusu Univerziteta u Sarajevu (početak sezone grijanja, tekući problemi u vezi sa istim),
- Informacija o sanaciji krova na objektu Univerziteta u Sarajevu – Orijentalnog instituta,
- Informacija o podnesenom zahtjevu za plaćeno odsustvo radnika Nihada Dostovića, te o fazi doktorskog studija imenovanog,
- Informacija sa sjednice Senata Univerziteta u Sarajevu održane 14. 10. 2024. godine o poduzetim aktivnostima Univerziteta u Sarajevu za pomoć Nacionalnoj i univerzitetskoj biblioteci. U okviru predmetnog pitanja data je podrška i od strane osoblja Univerziteta u Sarajevu – Orijentalnog instituta, te inicirana mogućnost obraćanja Vijeću ministara Bosne i Hercegovine sa zvaničnim pismom podrške Nacionalnoj i univerzitetskoj biblioteci, uz ukazivanje na značaj iste u pogledu objave naučnih/stručnih radova, te napredovanja i u konačnici daljeg djelovanja akademske zajednice sa tim problemom.

Sjednica je završena u 11:45 sati.

ZAPISNIČAR:


Belma Hajradinović, MA
prava sekretar po ovlaštenju

DIREKTOR

Dr. sci. Aladin Husić,
predsjedavajući Vijeća Instituta